

NUMMERE 104 38. JOORGANG



# Wiehlmuus

d Glyggezyttig vo de Wiehlmys

## Fasnachtsbändeli 2020



**#desKaisersneueKleider**  
**#RemigiusKaiser**

Februar 2020



# Wiehlmys

d Glyggezittig vo de Wiehlmys

Stammverein 1957		Jungi Garde und Buschinäsch		Alti Garde	
Dr Obmaa maint...	2	Fasnachtsbändeli 2020	5+6	Scho wieder Zyt?	10
Fasnachtsplan Stamm	3	Dangge – FaBä Teil 2	7+8	Neyjoors-Apéro	11
		WICHTIG*DRINGEND	8	Marschyebig	12
		Fasnachtsplan JG	9	Fasnachtsplan AG	13
				Varia	
				Repertoire Wiehlmys	14
				Dangg an d'Redaktion	15
				Bsfidi	16

## Liebi Läserinne und Läser,

kuum isch die letschti Wiehlmys publiziert, folgt scho die näggscht. Au dr Sturm Sabine isch eso rasant über Basel gfägt, mir hoffe, das längt und dr Petrus isch uns guet gstimmt für d'Fasnacht.

Zuedäm schartet das Wuchenänd s'Drummeli und denn folge scho d'Ferie. Denn haissts Ladäärnli teschte, em Goschtüm

dr letschti Schliff gä und lieb zem Petrus sy! Dr Remigius Kaiser het au miesse lerne, dass immer meh nid besser isch. Trotdäm dörfe d'Goschtüm in alle Farbe glänze.

Allne e wunderbari Fasnacht!

E liebe Gruess Nathalie

**Wiehlmys - Vorfasnachtsusgöob mit allne Details zu unserer Marschroutte :-)**



BESTECKEINBAU - SCHMUCKEINBAU  
PLAKETTENKASTEN

061 312 02 42 ODER

**www.dill-etuis.ch**



## Dr Obmaa maint...

Es goht nimm lang und es isch wider Morgestraich, dr Staart zur Basler Fasnacht. Ändlig! scheen, toll, wunderbar, ainzigaartig. Es git e huffe Adjeggtyyv, wo zue däm Eraignis guet dien basse. Fiir jeedi Glygge isch d Fasnacht „dr Gipfel“ vom Johr. Ych glaub in alle Verainsstatue stoht unter anderem: Sinn & Zwägg vom uns isch es, an dr Basler Fasnacht Dail z näh und s bewahre vo de fasnächtlige Tradizioone. Wenn me denn däm frehliche Dryybe uff dr Strooss zue luegt, kennt me maine das goht ewig esoo wyter und Noochwuggssoorge gits kaini.

Ass das nit stimmt, mien je lenger je meh, d Glygge feschtstelle. Während Dambuuregrubbe und Schysssdräggiigli wie Pilz uss em Boode schiesse, hän ainigi Stammverain mieh, dr Noochwuggs z reggrutiere. D Lyt uss de gebuurtestaargge Johrgäng wäärde elter und meege zum Dail nimm oder schlimmer, me liist gar scho vo ihrem Dood in de Zytige. Jungi/Intressierti gits zwoor gnueg, aber die schuZe no oder hän no zwia anderi Hobby. Chille am Rhyy, dr Ussgang und d Ussbildig deerf natierlig au nit z kuurz koo. Esoo blybt (z) weenig Zyt zum yebe oder sich engaschiere.

Zum Gligg gits Ussnahme und ych bi zueversichtlig, ass das e voriiberge-hendi Zyterschyyng isch. Umso meh han ych mii gfrait, wo d Anuschka sich fiir d Sujetkommission gmäldet und denn mit ihrem Voorschlaag, au grad s Sujet voorgää het. Hoffentlig isch das aasteggend. Ych winsch mir, ass dr AltersduurchschniZ im Voorstand, in de nägschte Johr langsam singgt. Esoo kemme neyi Ydee und frische Wind uff.

S zwaite Cooperazioonsjohr han ych am Aafang zimmilig miehsam gfunde. Wägem schwache Yebigsstundebsuech sin d Dominique und dr Heinz nit rächt voorwäärts koo und doorum unzfriide gsii. Besseret hets aigetlig eerscht noo de Heerbschdeerie. Speetischtens mit dr bekanntgoob vom Sujet 2020 „Fas(nach)t Fashion“ aber, sin die Maischte wider „infysziert“ gsii.

Noonem Johreswäggsel und dr Blaggeddenussgoob am 4. Jänner, isch ändgiltig s Fasnachtsfieber ussbroche. D Larve sin gmainsam aagmoolt woorde und dr Aarbetskäller het wie d Schaltzentraale vo dr Päggliboscht ussgseh. An dr eerschte Maarschyebig hets zwoor am Aafang non e bitzli „grummblet und schreeg deent“, aber scho bim zrugg laufe het me denn gheert, was mir in de letschte Meenet gleert und noodysnoo verbesseret hän.

Jetzt gohts numme no weenigi Dääg und mir alli sin no flyssig draa, alles baraat z mache. Fiirs Drummle schränkge, Kopflatäärnli montiere, die letschte Neet am Goschdym z vernaai etc. muess jeede/jeedi sälber luege. Aber ass d Lambbe laggert und denn ujaut, d Glyggekäller gschmiggt und sunscht alles voorberaitet wird, dooderfiir sin mir zämme verantwortlig. Es isch e Fraid gsii z gseh, wie in de vergangene Wuche geschafft und d Ydee vo dr Sujetkommissioon umgesetzt woorde sin. :-)

Zum Schluss mecht ych mii no bi all dääne bedangge, wo sich bsunders yygsetzt hän und frai my jetzt scho uff e tolle Zuug. Ych winsch alle e scheeni Fasnacht!

*Leu / 15.Februar 2020*



## Fasnachtsplan Stammverein

### Samstag, 29. Februar

#### LETZTE FASNACHTSVORBEREITUNGEN

10.00 - 14.00 Uhr DVD Keller und Garage  
Klingentalgraben

### Sonntag, 1. März

#### LATERNENVERNISSAGE

16.30 Uhr Treff, DVD-Keller  
18.00 Uhr Laterneneinpfifen,  
*Theodorskirchplatz*  
18.10 Uhr Abmarsch (JG/Stämme),  
*Theodorskirchplatz*  
18.50 Uhr Abmarsch (JG/AG/Stämme),  
*Linde, Rheingasse*  
19.05 Uhr Schluss, *Volkshaus,*  
*Claraplatz*

### Montag 2. März

#### MORGESTRAICH

03.30 Uhr Treffpunkt, *Volkshaus*  
04.00 Uhr Morgestraich,  
(JG/AG/Stämme) *Claraplatz,*  
*Greifengasse*  
05.30 Uhr Morgenessen, *Brauner Mutz*  
06.30 Uhr Abmarsch (Stämme), *Ecke*  
*Streitg. / Falknerstr. (wo die*  
*Laternen beim Halt abgestellt*  
*wurde)*  
08.00 Uhr Schlusshalt, *Brauner Mutz*

#### NACHMITTAG UND ABEND

14.00 Uhr Treffpunkt und Apéro für alle  
Passivmitglieder, *Freie Str.*  
*Höhe Münsterberg*  
14.50 Uhr Abmarsch (Stämme/JG),  
*Freie Strasse, oberhalb*  
*Streitg. (Punkt 68)*  
15.30 Uhr 1.Halt, *Ecke Rheing. / Schafg.*  
16.10 Uhr Abmarsch (Stämme), *Ecke*  
*Rheing./ Schafg.*

#### Weitere Halte nach Ansage

18.00 Uhr Nachtessen, *DVD-Keller*  
20.30 Uhr Abmarsch (Stämme + «ältere  
Junge»), *DVD-Keller*

#### Gässle nach Ansage

00.30 Uhr Schlusshalt, *Brauner Mutz*

### Dienstag 3. März

#### DVD WIEHLMYS + FREUNDE

#### NACHMITTAG

14.00 Uhr Treffpunkt, *Schnabel*  
18.00 Uhr Schluss, *Schnabel*

#### ABEND

20.15 Uhr Treffpunkt, *Rheingasse vor*  
*Hotel Kraft*

### Mittwoch 4. März

13.00 Uhr Treffpunkt und Apéro,  
*Riehenstrasse 44, vor*  
*Klingnaustrasse (Pkt. 29)*  
13.30 Uhr Abmarsch (JG/Stämme), *Pkt.*  
*29*  
14.10 Uhr 1. Halt, *Adler*  
14.50 Uhr Abmarsch, *Adler*

#### Weitere voraussichtliche Halte: Schneider- gasse, Steinen

18.00 Uhr Nachtessen, *DVD-Keller*  
20.15 Uhr Abmarsch (Stämme), *DVD-*  
*Keller*  
21.00 Uhr Abmarsch (JG/AG/Stämme),  
*Schiffflände*  
21.20 Uhr Göttihalt, *Falknerstrasse /*  
*beim Latini*  
22.00 Uhr Abmarsch (JG/AG/Stämme),  
*Falknerstrasse / beim Latini*

#### Weiter nach Ansage, weiter JG/AG/Stämme und danach JG/Stämme

23.30 Uhr Laternenverabschieden JG,  
*Rheingasse, nahe Linde*  
Nach Ansage Abmarsch (Stämme + «ältere  
Junge»), *Rheingasse, Linde*  
04.00 Uhr Ändstraich, *Barfi (z'Morge im*  
*Grottegyggserkeller,*  
*Steinenbachgässlein*





## Thomas Peter & Peter Righini s Attraktionen



**Bachweg 11 , 4852 Rothrist 079 241 02 82**



**Wir Organisieren auch für Ihr Fest den Lunapark**







## Fasnachtsbändeli Bricht us Sicht vonere Kuchimuus

Wie allewyl im Januar, und das dis Joor zum 24. Mol, sin d Wiehlmys Jungi Garde und Buschinäscht am Fasnachtsbändeli angagiert. S Fasnachtsbändeli 2020 stoot unterm Motto: Remigius Kaiser. Ganz nach em Märli vo de Gebrieder Grimm „des Kaisers neue Kleider“. Dr Remigius will au immer e neys, no scheeners Goschdym. Das nährvt alli Agstellte vom Kaiser. Immer s Beschte und dyschte Goschdym soll's si. S bsundere an dr ganze Sach isch, ass är nid an dr Stroosse Fasnacht mitmache will, aber d Fasnächtler und Schnitzelbänggler solle zu ihm haim ko. So kömme au d Wiehlmys ins Spiil und draage zwai Mol ihri Märsch vorem Herr Kaiser vor. Är isch nid ganz zfriide mit uns. Oh, unseri Goschdym gfalle ihm gar nid. Kai Wunder, für ihn ischs Beschte nid gnueg. Aber i dängg do muess ich jetze nümme meh verzelle. Sin jo sicher alli s Fasnachtsbändeli ko luege.

Alles het für d Kuchimyys scho vor dr Wiehnacht a gfange:

Ui, jetze mien mir uns mol Gedangge mache, was mir für unseri Schauspiiler, d Wiehlmys und d Drummelakademie an drey Sunntige zum z Mittag mache. Was hän mir scho wieder ka letscht Joor? S muess jo aifach si, denn mir koche jo für 30 Persone. Ah jo. Hörnli mit Ghaggtem und Öpfelmues, Gschnätzlets mit Riis und am letschte Sunntig no Spaghetti Bolo. Jetzt goots aber ans Ykaufe. Alles in Aggzion und meeglisch ginschtig.

So bini halt vo aim Lade zum andere däbbelet und ha alles zämme kauft was mir bruuche. Jewyle am Samschtig hän mir (mir=mis Mami Jolanda und ich) agfange vorberaite, s Fleisch abroote und d Sosse mache. Wills im Pfadihuus so kalt in der Kuchi gsi isch, hän mir nur no Näbel gha dört inne und fascht nyd me gseh. Aber do mir jo routinierti Kuchimys sin, isch das au blind gange. Am Sunntig hän mir denne innere grosse Pfanne no Bilaage kocht. Alles het uff d Minute gnau miesse in de Wärmebhälter schöpferait si. Zum Glügg hän mir die us em DVD-Käller kenne usleene. D Schauspiiler hän nämlich numme e kurzi Pause gha. So sin mir halt jewyle am Sunntig de Morge scho frieh in dr Kuchi ummedyyst und hän uns zerscht mol e Kaffi gennt. Jo e Kuchimuus ka nid so schnäll schaffe am Morge frieh ohni Kaffi vorab. Asso gnau gno isch es jo doch scho kurz vor de zwölfi am Mittag gsi aber das amene Sunntig...

Also kurz gsait, es het drey Mol uf d Minute klappt mit serviere. So hän alli grad kenne ässe wo ko sin. Lut de Ässer mien mir neggscht Joor wiider koche, wills so guet gsi sigi. Dangge allne fir d Lob. S het uns zwai au Spass gmacht und mir seen uns am Jubiläum Fasnachtsbändeli 2021 wiider. Mir fiire 25 Joor Fasnachtsbändeli mit 25 Joor Wiehlmys! Mir wynsche allne e scheeni Fasnacht

*Eyri Kuchimys Christine und Jolanda*





# Fasnachtsbändeli Bricht us Sicht vonere Kuchimuus







## E GROSSES DANGGE AN UNSRI HÄLFER

E ganz e grosses **MERCI** dr **CHRISTINE** vo uns au das Joor wieder mit 3 super Menü verwöhnt het, so das mir bi de Doppelporstellige gstäerkt in Nomidaag gstartet sin!!!



Mir schätze das sehr, dass mir immer so e feins Mittagässe dörfe gniesse, das isch überhaupt nid sälschtverständlich! **DANGGE!!!**

**DANGGE** Alanis, Björn, Corinne, Eileen, Janina, Simon das ihr uns unterstützt hän!





8



**DANGGE** Alois & Andrea, dass ihr immer drbi sin, näggscht Joor dörfe mir 25 Joor Fasnachtsbändeli fyyre!!!

♥ Natalie



**\*WICHTIG\* DRINGEND\* WICHTIG\* DRINGEND\* WICHTIG\***

Die Junge Garde sucht ein\*e



**Kassier\*in  
und weitere  
Verstärkung  
im Vorstand**

Bei Interesse kannst Du Dich bei Andrea Schweizer  
(079 827 91 11 oder familie.schweizer(a)teleport.ch) melden.  
Wir freuen uns auf Dich!





## Fasnachtsplan Jungi Garde

### Geschter, hitt und moorn – 50 Joor Jungi Garde

#### Sonntag, 1. März

##### LATERNENVERNISSAGE

- 17.00 Uhr Treffpunkt, *Claraplatz vor der Kirche beim Brunnen*
- 17.40 Uhr Apéro, *Theodorskirchplatz*
- 18.00 Uhr Ladäärne ypfiffe, *Theodorskirchplatz*
- 18.10 Uhr Abmarsch mit Stamm zur Linde, *Rhygass 43*
- 18.50 Uhr Abmarsch mit Stamm/AG bei Linde, *Rhygass 43*
- 19.05 Uhr Abtreten, *Claraplatz, Volkshaus*

#### Montag 2. März

##### MORGESTRAICH

- 03.30 Uhr Treffpunkt, *Volkshaus, Rebgr.*
- 04.00 Uhr Abmarsch => *Mittlere Brücke, Marktplatz*
- 05.30 Uhr Morgenessen, *Pfauen*
- 06.30 Uhr Abmarsch zum ex-Musik Hug, plus ein Rundgang
- 07.00 Uhr Abtreten, *ex-Musik Hug, Kaufhausgasse*

##### CORTÈGE („INNERE ROUTE“)

- 14.00 Uhr Treffpunkt, *ex-Musik Hug, Kaufhausgasse (8-ung Route*
- 14.50 Uhr Abmarsch => *Freiestrasse, Marktplatz*
- 15.30 Uhr Halt: *Ecke Rheingasse / Schafgässlein*
- 16.10 Uhr Abmarsch => *via Claragraben zur Wettstaibrugg*
- 17.30 Uhr *Nachtässe, DVD-Keller*
- 19.15 Uhr Abmarsch => *Münsterplatz, „Gässle“*
- 20.00 Uhr Abtreten, *DVD-Keller*
- 20.30 Uhr Abmarsch ältere Junge mit Stamm

##### Abmeldung/Kontakt:

Jacqueline Glesti, Zugchefin (079 / 687 60 10)

#### Dienstag 3. März

##### KINDERFASNACHT

- 13.15 Uhr Treffpunkt, *Credit Suisse, St. Alban Graben 1/Freie Strasse /Arkaden => Wiehlmys*
- 14.45 Uhr z'Vieri, *Schnurrepfluderikäller Lyss (ca. CHF 10.00 für z'Vieri & Getränk)*
- 16.00 Uhr Abmarsch => *Barfi, Kohlmann's*
- 16.30 Uhr Abmarsch => *Münsterplatz*
- 17.15 Uhr Abmarsch => *Glaibasel*
- 17.45 Uhr Abtreten, *Restaurant Linde, Rhygass 43*

#### Mittwoch 4. März

##### CORTÈGE („ÄUSSERE ROUTE“)

- 13.00 Uhr Treffpunkt, *Riehenstr. 44, Ecke Klingnaustrasse*
- 13.30 Uhr Abmarsch => *Ochsengasse, Rest. Adler*
- 14.50 Uhr Abmarsch mit Stamm => *Schneidergasse*
- 15.50 Uhr Abmarsch => *Stänzlergass, Tibits*
- 16.50 Uhr Abmarsch => *Steinebärg, Bankverein*
- 17.30 Uhr *Nachtässe, DVD-Keller*
- 19.00 Uhr *Besammlung vor DVD-Keller*
- 19.15 Uhr *Abmarsch, kleine Runde*
- 20.15 Uhr *Abmarsch mit Stamm, DVD-Keller*
- 21.00 Uhr *Abmarsch mit Stamm/AG, Schiffländi*
- 21.20 Uhr *Göttihalt, beim Restaurant Latini, Falknerstrasse*
- Nach Ansage *Abmarsch mit Stamm/AG*
- 23.30 Uhr *Laterne verabschieden, Linde, Rhygass, **Abtreten und Treffpunkt mit Eltern***
- Nach Ansage *ältere JG-Mitglieder, Abmarsch mit Stamm*
- 04.00 Uhr *Ändstraich für die Grosse, Barfi*



## Scho wider Zyt?

Sit dr letschte Muus isch nyd vyyl Zyt vergange.

Scho sod me wider Neys Brichte.

Jooresabschluss, Wiehnachtässe, ibers das isch in dr letschte Muus scho Brichtet worde.

So liigt das scheene wyyse Blatt vor mr und wardet druff „Beschribe“ z wärde.

Y iberleeg, was isch neys sid här, was kund, was sod me Mitteile.?

Ney isch, mr hä dr Neyjoorsapèro in der Walliserstube, unserer Stamm Baiz ka.

E glains Brichtli isch au do. Bildli sin uf der HP vo dr Alte Garde.

Im Arbeds- und Baschtelrum in Allschwil, isch an de Larve und de Koschtüm gschaft worde.

D Marschbändeli fir s Spiel sin au „Aktuell“

D Marschyebige sin Festgelegt.

Dr Termin zem d Kostüm abhole isch au Fix.

Dr Fasnachts-Fahrplan isch gmacht.

Y dängg, mr hän sowyt alles im Griff.

D Fasnacht ka loos goo.


Mr hoffe au unseri Passiv-Mitglieder zahlrych deerfe bim ainte oder ander Aalas begriesse.

So, isch doch no e weeneli ebis uf das Wyyse Blatt ko.

Dr räschte rote wird uff d zyte do, y bruchen den no fir in d Määlsuppe noch em Morgestraich.

Bis den e scheeny Zyt.

*Dr Glaibasler*



**ALLES *fir* D'FASNACHT**  
  
**DILDI**  
 Fasnachts-Forum  
**www.dildi.ch**



## Neyjoors-Apéro 2020

Wie alli Joor im Jänner hed dr Vorstand fo de Wiehlmys-Alti-Garde zem Neyjoorsapéro Yglaade.

Me hed sich am Zyschtig em 7 Jänner im Saal fo dr Walliserstube droffe. Zämme mid de zahlrych erschienenene Passivmitglieder hed me ufs Ney Joor Aagstosse.



Dr Obmaa hed innere kurze red allene e Guets Neys und vyl Gsundhait gwunsche. Zem Apéro heds Hackfleischbölle und e super Sauce gä. Es isch fir alli e molle ebis anders gsi und e Abwägglig. D Stimmig isch luschtig gsi und me hed sich ainiges z verzelle ka.

E Dangg au an unsere "Stamm-Baizer" Marc und sine Mitarbeiter fir die feine "Bölle. So jetzt ka d Fasnacht koo.

*Ruedi*

**musik oesch basel**  
DAS FACHGESCHÄFT FÜR BLASINSTRUMENTE

Spalenvorstadt 27 • 4051 Basel • 061 261 82 03





## Marschiebig

Samschtig dr 8 Hoornig um die vieri am Noomittag isch es so wyt. Die Alti-Garde hed Iri Marschiebig. Me hed sich bim Eglisee troffe.



Leider hed unsere neye Dambourmajor kurzfristig em Obmaa gsait, ass är an dr Fasnacht nit wird mitmache. So isch dr Ruedi au das Joor unsere Major.



Nach em Ablauf isch es richtig Schliessig gange. Deert isch den e Pause gmacht worde und me isch e weeneli zämme gsässe.



Uff em Ruggwääg sin sich d Damboure fir e molle nid so ainig gsy, es wär dr finfti Värs koo, guet aine hed dr säggst gmacht, der andr dr siibti, aber me hed sich denne bim achte wider troffe. In dr Alte- Garde saitme däm "Thema mit Variatione" oder au Kreativs Drummler.



Zrugg ins Almändhuss, wo dr Hampe und sini Hälfer mit em Znachtässe gwardet hän. Feini Heernli und Ghagts und eme Desseer.



Do Isch me denn no gmietlig zämme gsässe und hed yber s aind uns ander Disbediert. Vor em Desseer hän d Pfyffer der Jacqueline das mit dr Schnuerr no erklärt. Guet sy wais jezte, as sy 4 Meter lang isch.

Bim ussenander goo hed me sich scho uf die Näggschti Marschiebig am 20 Hoornig, den mit unsere Frinde de "Riechetörler" gfrait. Bis denn e scheeni Zyt.



## Fasnachtsplan Alti Garde

### Sonntag, 1. März

#### Ladärne Ypfiffe

- 16.30 Uhr Klybeck-Casino  
(Egge Klybeck/Sperrstr.)
- 18.00 Uhr Abmarsch  
Halt Rest. Fischerstube
- 18.50 Uhr Abmarsch mit beide  
Stämm un de Junge
- 19.05 Uhr Schluss Rest, Volggshuus  
Claraplatz

### Montag, 2. März

#### Moorgestraich:

- 03.30 Uhr Rest. Volggshuus
- 04.00 Uhr Abmarsch
- 05.45 Uhr Moorgeässe Grottegygser-  
Käller am Kohlebärg.

#### Määnti-Nomidaag:

- 14.20 Uhr Rittergass
- 14.50 Uhr Abmarsch richtig Steinebärg
- ca. 15.15 Uhr Halt bim Latini, wissi Gass

- ca. 15.45 Uhr wyters Spiga (Schiffländi )
- ca. 17:00 Uhr Halt bim Bagggestoss  
Ochsegass.

- 17.45 Uhr Abmarsch Teichgässli zem  
Nachtässe Klybeck-Casino

#### dr Oobe:

- 20.10 Uhr Yystoo  
Abmarsch bis Schiffländi  
( d'Lampe good uff )
- 20.30 Uhr Pause uff em Schiff
- 21.15 Uhr Abmarsch richtig Hotel Basel  
/ Seibi Latini Pause  
/ eventuell no e Runde

### Dienstag, 3 März

#### Zyschtig ( fakultativ )

- 14.00 Uhr Träff Räbhuus
- 19.00 Uhr Nächtässe Schotttekäller

### Mittwoch, 4. März

#### Mitwuche-Nomidaag

- 13.30 Uhr dr Lälli-Käller isch offe
- 14.20 Uhr St.Alban-Vorstadt
- 14.50 Uhr Abmarsch richtig Wettstai-  
platz, bis Mässeplatz
- ca. 15.30 Uhr Pause.
- ca. 16.00 Uhr wyters bis Wäbergass -  
Ochsegass  
Pause
- 17.45 Uhr Ab Wäbergass zem Nachtässe  
ins Klybeck-Casino.

#### dr Oobe:

- 20.00 Uhr Abmarsch zur Schiffländi
- 21.00 Uhr Abmarsch zum Göttihalt  
Latini.
- 22.15 Uhr Abmarsch Alli, richtig  
Strittgass / Freiestroos zem  
Hotel Basel.  
Pause.
- 23.30 Uhr Abmarsch richtig Schiffländi
- 24.00 Uhr Rhygass Schwarze Bäre  
Pause
- 00.45 Uhr Abmarsch richtig Klingental.
- 01.00 Uhr Latärneverabschiedig.  
den dr Apéro.
- 02.15 Uhr Moorgeässe im Global

*Aenderige durch d Zugchefin oder  
dr Major sin meeelig.  
Abmälde duet me sich au bi dr Zugchefin  
oder bim Major.*

*d'Delifon-Nummere : 076.414.43.49*

*Bea*





## Repertoire Wiehlmys Fasnacht 2020\*

Junge Garde	Stamm	Alte Garde
Arabi	Arabi	Arabi
Die Alte	Auprès de ma Blonde	d'Route
Duudelsagg	Die Alte (10. Vårs)	Die Alte
Feschtspiil	d'Route	Duudelsagg
Glopfgaischt	Duudelsagg	Feschtspiil
Ryslaifer	Feschtspiil	Gässler
Stänzler	Gässler	Glopfgaischt
	Glopfgaischt	Gluggsi
	Lägerli	Lägerli
	Luuser	Naarebaschi
	Naarebaschi	Neye Glaibasler
	Nunnefirzli	Ryslaifer
	Retraite	Saggodo
	Rossignol	Tango
	Ryslaifer	Whisky Soda
	Saggodo	z'Basel
	Sambre Meuse	
	San Carlo	
	Tango	
	Unggle Sam	
	Whisky Soda	
	Yankee	
	z'Basel	
Mätzli	Mätzli	Mätzli
Ueli	Ueli	Ueli
	Faschtewaie	

*\*alphabetische Auflistung*





## Dangg an d'Redaktion

Y mecht do aifach emolle e ganze e Härzligs "DANGGERSCHEEN" an d Redaktion vo dr Gligge-Zytig „Wiehlmuus“ sage.

Bsunders dr Nathalie fir ihri grossi Aarbed. Es isch nid aifach,immer die leere Syte mit Brichtli z fille.

Immer wider luege, frooge und Bitte eb eber e Brichtli schryybt. E isch s glych bi dr Junge-Garde, bim Stamm oder au bi dr Alte-Garde. Yberal isch d froog die glychi.

Wär schrybt e Brichtli yber xxxxxx.

Hed me denne epper gfunde wo das macht, isch me froo und schiggds dr Nathalie.

Si mues denne luege wie sis suber ka in e „Layout“, so said me däm glaubi, bring.

Hänn mr den die Uusgoob uf em PC im PDF format oder gar als Heftli in de Händ, so frai mir ys ud Lääse was so alles bi de „andere“ abgange isch.

Gedangge yber der Uffand und Zyt wo das brucht mache mr uns kaini.

Us däm grund emolle.

DANGGERSCHEE FIR D ZYT UND DR UFFWAND.

Mir sind froo as Ihr das mached.

*dr Glaibasler*





Vereinsabzeichen und  
-signete, Siegerpreise,  
Cliquenbecher,  
Ehregaben, etc.  
Kristall Weinkaraffen,  
Spezialanfertigungen  
Nach Ihren Wünschen.  
Keramik-Fasnachtsfiguren  
Rasche Lieferung,  
Reelle Preise,  
eigenes Atelier.

# Reimann Graveure

Clarastrasse 25  
Tel. 061 691 00 60  
Fax: 061 691 74 18  
[Reimanngravuren@bluewin.ch](mailto:Reimanngravuren@bluewin.ch)

## Das Fachgeschäft für Zinn und Gravuren



## bsfidi - Basler Schuelfasnacht in der Innerstadt

Am Donnschtig, 20.02.2020 zieht e farbefrohe Umzug mit rund 10'000 Kindergarte- und Primarschuelkinder statt. Die 3. Bsfidi isch ursprünglich ufgrund vom 100-Joor-Jubiläum vom Fasnachtscomité entstande und jetzt findet sie alli 5 Joor statt.

Meh Infos dodrzue findet ihr im nochfolgende Flyer.

Wär weiss, vielleicht trifft me jo die eint oder ander Muus an däm Obe in dr Stadt?



Kindergärten und Primarschulen Basel Stadt und Riehen/Bettingen präsentieren sich in einem grossen Fasnachtsumzug, begleitet von diversen Cliquen, Gruppen und Guggenmusiken.

### Route:

Münsterplatz, Rittergasse, Bäumleingasse, Freie Strasse, Mittlere Brücke, Rheingasse bis zum Theodors-Kirchplatz.

### Wann:

Donnerstag, 20. Februar 2020 ab 17.00 Uhr

### Weitere Infos:

[www.fasnachts-comite.ch](http://www.fasnachts-comite.ch) / Rubrik: Nachwuchs



Redaktion:

Nathalie Schöb ([gugger.schoeb@hotmail.com](mailto:gugger.schoeb@hotmail.com))

Freie Journalisten:

Leu Bachmann, Sämi Bichsel, Christine Gugger, Natalie Glesti, Andrea Schweizer, André Widmer, Ruedi Kurt

Fotos:

Diverse

**Nächste Redaktionsschlüsse:** 31. Mai 2020

15. Dezember 2020



## Good feeling

*Wahlbefinden für Körper und Geist*

Sanja Moor

*dipl. Massöwin*

Kosmetische Fusspflege / Permanent French Pedicure

Klassische Massage

Fussreflexzonenmassage

Müllheimerstrasse 73 • 4057 Basel • 079 542 95 31